


www.BibleForChildren.org

Кердипэ 3



О Адам тхэдыс пэ ромня Ева, вай
ой ули э дай алаи, кай бэшэн.



Андар алаи ки вэшэски гайваня,
савэн кердяс о Дэл о Яхвэ,
алаендар ярамази сас о сап. Ов
пхучляс ки джювли: — Чячи о Дэл
пхэнляс: «Ма хан нисавэ
тэрэкестар андэ сади»?



Э джювли пхэнляс
э сапэски: — Амэнги
муклёл тэ хас имиша
опрал тэрэжя андэ
сади. Ай о Дэл пхэнляс : «Ма хан имиша
опрал тэрэки, саво машкарэ ко сади, тай
ма астарэн лэн, я кан мэрэн».



— На, тумэ на кан
мэрэн, — пхэнляс о
сап э джювляки.

— О Дэл джянэл, кана
тумэ кан хан лэн, тумарэ якха кан
пхутэрдён тай тумэ кан овэн, сар о Дэл,
саво джянэл о лачипэ тай о джюнгалипэ.




Дэчи э джювли дикхляс, кай о
имишы э тэрэкеско сас лачё тэ хас
тай шукар тэ дикхес, тай сас
мангемаско, вай дэл годявэрипэ.
Ой лиляс екх андар имиша тай
халяс. Ой диняс
имишы ли пэ
ромэс, саво сас
ласа, тай ов
халас лэс.



Лэнги якха пхутэрдилэ, тай он галилэ, кай нанге. Дэчи он сивдэ пэски савутя опэр шалоя катар патря ки инжырески.





О Дэл о Яхвэ пхэнляс э
Адамески: — Кай сан? О Адам пхэнляс: — Мэ
шунлём Тут андэ сади, трашанилём, вай мэ нанго,
тай гаравдёман.





О Дэл о Яхвэ пхучляс: — Кон пхэнляс туки, кай ту нанго? Ту халян имиша катар тэрэки, савэстар Мэ динём тхэдипэ тэ на хас?



О Адам пхэнляс: — Э джювли, савя Ту динян
ман, тэ овэл ой манца, — адава ой диняс ман о
имишы одолэ тэрэкестар, тай мэ халём лэс.

Дэчи о Дэл о Яхвэ пхэнляс э
джювляки: — Со ту кердян? Э

джювли пхэнляс: — О сап хохавдяс
ман, аки мэ тай халём.



Тай о Дэл о Яхвэ кувды лэс андар
сади Эдэм, тэ керэл ов бути опэр
пху, андар савятэ сас линдо.





Ов кувды э манушэс тай тхэдыс ко
вастоки ангал сади Эдэм
херувимен тай о камас, кай
марэл алаи о рига ягаса, тэ
дикхен пал ко дром ко тэрэки
ки бэшымаско.



О Адам сас э Еваса пэ ромняса, тай ой насвалили
пуёстэ тай аракхлило о Каин. Ой пхэнляс: «Э
ярдымеса э Сагбуски Яхвэскерэса мэ диндилём
манушэс». Дэчи латэ аракхлило лэско


пхрал о Авель. О Авель чярявэлас э

бакрэн тай бузнен,


ай о Каин
барярэлас
опэр пху.



Вахытестар о Каин андяс имиша э пхуяки, сар
башладипэ э Сагбуски э Яхвэски, о Сагбус о Яхвэ
махтады э Авелес тай лэско
башладипэ, ай э Каинэс тай лэско
башладипэ Ов на махтады.
О Каин холясаило, тай лэско
муй калило катар холи.



О Каин пхэнляс пэ пхралэски: — Гадэ ки ливади.
Кана он сас ки ливади, о Каин читяспэс опэр пэ
пхралэстэ ко Авель тай мудардяс лэс.



Дэчи о Сагбус о Яхвэ пхэнляс э Каинэски: — Кай то пхрал о Авель? — На джянав, — пхэнляс одова.
— Та со, мэ дикхав пал мэ пхралэстэ? О Каин гело катар Сагбус Яхвэ тай бэшэлас андэ пху Нод, ко вастоки катар Эдэми.




О Адам генэ сас пэ ромняса, тай латэ араххлило чяво тай тхэдыс лэс Сиф, пхэнляс: «О Дэл башлады ман авэрэ пуёс ко тхан ки Авелеско, савэс мудардыс о Каин».



Пал ко аракхлима ки Сифеско о Адам бэшло 800
брэш, тай лэстэ сас генэ чявэ тай чяя. Алаи о Адам
бэшло 930 брэш тай муло.



О Сагбус о Яхвэ дикхляс, кай о мануша опэр
пху улэ бут канлыдэс, тай алаи лэнги
тюшундиматэс екхараи бангёнас
карин канлылыки. Тай пхэнляс о
Сагбус о Яхвэ: — Мэ кан кхосав
опрал муй ки пхуяко
э манушыкани



порода,
сави Мэ
кердём.



Мэ кан мударав ли э манушэн, ли э
гайванен, тай кай балакадиен, тай э
чириклен опрунэн, вай Мэ аядияв,
кай кердём лэн.



Ай о Ной араххляс мила андэ якха ки Сагбуски
Яхвэски. Ко Ной сас трин чывэ: о Сим, о Хам
тай о Яфет.



Кердипэ 3 – 6

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Romani Balkan OT (rmn)

© 2021 Bible Translators of Ukraine

© 2021 Pioneer Bible Translators

<https://www.bible.com/en-GB/bible/3102/GEN.1>

©2026 Bible for Children, Inc.

www.M1914.org

www.bibleforchildren.org

